

四庫全書

史部

欽定四庫全書

史部

御批資治通鑑綱目卷四十七
上
下

詳校官修撰臣錢棨

編修臣程嘉謨覆勘

總校官降調編修臣倉聖脉

校對官中書臣宋枋遠

謄錄監生臣蘓曰柄

欽定四庫全書

御批資治通鑑綱目卷四十七上

起甲子唐懿宗興元元年五月
蓋庚辰唐懿宗貞元十六年

凡十六年有奇

五月韓滉遣使貢獻

山南北熱土以軍士未有春服亦自御袂衣至是鹽
鐵判官王紹以江淮繒帛來至上命先給將士然後
御衫韓滉又欲遣使獻綾羅四十擔於行在幕僚何
士幹請行滉喜曰君能相為行請今日過江士幹許
諾歸別家則薪米備脩已羅門庭矣登舟則資裝器
用已充舟中矣每擔夫與白金一版使置腰間又運
米百艘以餉李晟自負囊米置舟中將佐爭舉之須
臾而畢艘置五百弩手有寇則叩舷相警五百弩已

穀矣比達渭橋盜不敢近時關中斗米五百及澠米至減五之四澠為人強力嚴毅自奉儉素夫人常衣絹裙破**集覽**御袂衣御猶言服也衣無絮曰袂杜甫然後易詩御袂侵寒氣荀子御珽注尊者則曰御卑者則曰服弩已穀穀古豆反詩話云引滿也

質實

山南道名注見周赧王四年漢中行在注

見晉惠帝永興元年渭橋注見漢高后三年

書法

常貢不書書此何嘉澠義也於是王貢之不供多矣故前書曹王臯此書韓澠

發明

禮時為大順次之夫天子有常尊諸侯有常貢者禮也然是時乘輿播越糧餉不充則非

常時之比矣環四海之內莫非王臣而各自封殖魯無勤王之心韓澠獨能遣使貢獻而又置措有方得以達之在所故綱目大書於冊一以幸之一以予之也夫貢獻一也在化時則為培斂在斯時

勢急亦以勢有緩急義有當否耳故夫周急
不遑宣所以為君子而剝下以奉上不免為小人
不然而進日進皆
得亟稷於時矣

吐蕃請歸國

朱泚使曰希鑒以金帛賂吐蕃渾瑊屢與約刻日取
去去而不引兵去上以李晟渾瑊兵少欲倚
吐蕃以復京城聞其去甚憂之以問陸贄贄上奏曰
吐蕃遠近望翻覆多端致令羣帥進退憂虞欲捨
之獨當自慮其懷怨乘蹕欲待之合勢則苦其失信
語近我若未歸寇終不滅將帥意陛下不見信任且
慮其之害其功士卒恐陛下不卹舊勞而畏蕃戎
之害其去必慮懼蕃戎之勝不死悉為之擒百姓畏
其去之來有財必盡為所掠今懷光別保蒲絳吐蕃
遠近觀其形勢既分腹背無患城最諸帥才力得伸

任其下慎於撫接勤於砥礪中興大業旬月可期
不宜過急於犬羊之羣以失將士之情也上曰卿
言甚然然歲諸軍當議規畫令其進取卿宜審細
論以對曰賢君選將委任責成故能有功況
今秦兵二里兵勢無常逆為規畫未必合宜彼違命
則失居威從命則害軍事進退羈礙難以成功不若
假以便宜之權待以殊常之賞則將帥咸悅智勇得
伸矣天錫將交於原野而決計於九重之中機會變
於呼吸而定計於千里之外是以用捨相礙否臧皆
山上者下之識而下無死綏之志矣且君上之權
待與臣下不自用乃集覽上有掣肘之譏掣昌逆
能用人雖在下圖之反曳也掣肘言為人所

掣也臣家語屈節解篇孔子弟子處子賤任魯為單
父宰恐魯君聽讒不得行其政請君之近史二人與
其至言史書之書輒掣其肘書不善又怒之二史辭
其致魯君曰處子使臣書而掣臣肘書惡則又怒臣

魯君以問孔子孔子曰處不齊君子也意者以此為諫乎公寤曰寡人亂處子之政而責其善者數矣遽使人告之曰從子之制後處子遂得行其政單父治焉下無死綏之志綏車中所把索也如今騎馬者必執韁繩死綏謂執綏而殊死戰不棄之而奔亡荀子議兵篇將死鼓馭死轡注馭車者當死守轡策是也南梁韋獻傳將軍死綏有前無卻魏書注曰綏也有前一尺無卻一寸又春秋有交綏之說見左傳文十二年注引司馬法曰遂奔不遠則難誘從綏不及則難陷然則古名退軍為綏秦晉志未能堅戰短兵未至爭而兩退實貴吐蕃西羌種名注見太宗貞觀八年故曰交綏

蒲絳二州名蒲注見周赧王十二年

蒲坂絳注見宋文帝元嘉二十三年東雍長安縣名注見漢惠帝五年秦梁二州名秦注見漢光武建武

元年天水郡梁注見周赧王四年漢中郡陛下注見漢光武建武二十七年九重之中注見高祖武德九

書法

書歸國何幸之也吐蕃觀望反覆初無大功而所至肆暴於是引兵徑歸中國之幸也是

故回紇為暴三輔則書其歸代宗廣德元年吐蕃觀望反覆則書其歸是年契丹南向人心驚懼則書其還後晉丙申年皆幸之之辭也終綱目蠻夷借兵書歸者三

發明

書吐蕃引兵歸國憂之手喜之乎曰喜之也曰是年正月書遣使發吐蕃兵四月書渾瑊

以吐蕃兵拔武功則是中國方賴其用胡為引兵歸國反喜之手曰喜非今日乃在他日也夫唐人好與夷狄共功故卒受夷狄之禍觀之突厥回紇則可見矣況吐蕃桀黠又非他虜之比萬一因而有功則唐人何以報之故夫縱兵大掠厚遺金帛曾不足以滿回紇之意矧吐蕃素出回紇之右者

乎其陵駕中國必未遽已今乃引兵自去豈不為中國之大幸歟然則逆賊未平將如之何曰委任賢才修舉政事興起人心雖削平藩鎮掃清宇內可也況區區之逆徒乎

李抱真王武俊大破朱滔於貝州

李抱真王武俊距貝州三十里而軍滔聞兩軍將至急召馬寶或謂滔曰武俊善野戰不可當其鋒宜從營稍前逼之使回紇絕其糧道我坐食德棣之餽依營而陳利則進攻否則入保待其饑疲然後可制也會寶軍至滔命明日出戰寶請休息數日回紇達干見滔曰回紇受大王金帛牛酒無算思為大王立効久矣明日願大王駐馬高丘觀回紇為大王翦武俊之騎使匹馬不返滔遂決意出戰武俊遣其兵馬使趙琳將五百騎伏於桑林抱真列方陳於後武俊引騎兵居前與回紇戰趙琳自林中出橫擊之回紇及

滔軍皆敗走拖真武俊令兵追之滔與數千人走還
夜焚營遁歸兩軍以霧不能追也滔恐范陽留守劉
忸因敗圖已忸悉發守兵具儀仗迎之時人多之胡
氏曰古人有言除君之惡惟力是視苟得為之雖失
小信傷曲謹智士固從其大者矣劉忸本諫朱滔毋
反而不見聽今當滔敗北當明君臣大義獎率將士
據險拒之舉范陽歸國其功豈不大哉夫不薄人於
險非所施於亂臣賊子也史謂時人多之者亦流俗
之論

集覽

德棣之鐸鐸音運野饋曰鐸謂德棣二州
饋鐸也德本漢平原郡唐置德州棣本漢

千乘郡隋置棣州除君之惡惟
力是視注見漢桓帝延熹八年

質實

見州注見漢安
帝建光元年同

統匈奴種名注見太宗貞觀元年德棣二州名德注
見陳宣帝太建八年安德棣注見宋明帝泰始三年
樂陵高丘或疑地名未詳處所桑林或疑地名未
詳處所范陽郡名注見漢帝玄更始二年涿郡

書法

著會南宮之效也故兩將並書而以抱真先之

以程日華為滄州節度使

初張孝忠以易州歸國詔以易定滄三州隸之滄州刺史李固烈李惟岳之妻兄也請歸恒州孝忠遣押牙程華交其州事固烈悉取軍資以行軍士殺之華素寬厚將士安之朱滔王武俊更遣人招華華皆不從時孝忠在定州自滄如定必涉滔境參將李宇說華表請別為一軍華從之上即以華為滄州刺史知節度事賜名曰華令歲供義武租錢十二萬緡王武俊又使人說誘之時軍中乏馬曰華給使者曰王大夫人必欲相屬當以三百騎相助武俊給之曰華悉留之武俊怒然以方拒官軍不能攻也乃武俊歸國日華乃遣人謝過償其馬質實

價武俊喜復與交好

質實

易定滄三州名易注見周世宗顯德六年定注

見周威烈王二十三年中山滄注見晉穆帝永和六年恒州注見漢光武建武九年常山

六月李晟等收復京城朱泚亡走其將韓旻斬之以降

李晟大陳兵諭以收復京城引所獲謀人示之飲之酒給錢而縱之召諸將問兵所從入皆請先取外城據坊市然後北攻宮闕晟曰坊市狹隘賊若伏兵格鬪非官軍之利也今賊重兵皆聚苑中不若自苑北攻之潰其腹心賊必奔亡如此則宮闕不殘坊市無擾策之上者也諸將皆曰善乃牒渾瑊駱元光尚可孤刻期集於城下尚可孤敗泚將仇敬忠於藍田西斬之李晟移軍於光泰門外方築壘泚兵大至晟縱兵擊之賊敗走明日晟復出兵諸將請待西師至夾攻之晟曰賊數敗已破膽不乘勝取之使其成備非計也賊出戰屢敗晟使兵馬使李演王伉將騎兵史萬頃將步兵直抵苑牆晟先開牆二百餘步賊柵斷

之晟怒欲斬萬頃等萬頃帥衆拔柵而入泌演繼之
賊衆大潰諸軍分道並入且戰且前凡十餘合賊不
能支皆潰張光晟勸泚出亡泚乃與姚令言帥餘衆
西走光晟降晟遣兵馬使田子奇以騎兵追泚令諸
軍曰晟賴將士之力克清宮禁長安士庶久陷賊庭
若小有震驚非弔民伐罪之意晟與公等室家相見
非晚五日內無得通家信大將高明曜取賊妓尚可
孤軍士取賊馬晟皆斬之軍中股栗公私安堵秋毫
無犯是日渾瑊戴休顏韓遊瓌亦克咸陽晟斬泚黨
李希清等於市表守節不屈者劉廼蔣沆等遣掌書
記于公異作露布上行在曰臣已肅清宮禁祇謁寢
園鍾簾不移廟貌如故上覽之泣下曰天生李晟以
為社稷非為朕也晟之在渭橋也熒惑守歲久之乃
退賔佐皆賀晟曰天子野次臣下知死敵而已天象
高遠誰得知之既克長安乃謂之曰鄙非相拒也吾
聞五星羸縮無常萬一復來守歲吾軍不戰自潰矣

皆謝曰非所及也朱泚將奔吐蕃其衆隨道散亡比至涇州纔百餘騎田希鑒閉城拒之泚謂之曰汝之節吾所授也奈何臨危相負使焚其門希鑒取節投火中曰還汝節泚衆皆哭涇卒遂殺姚令言詣希鑒降泚獨與范陽親兵北走寧州刺史夏侯英拒之泚將梁庭芬射泚墜坑中韓旻等斬之詣涇州降傳首行在詔以希鑒為涇原節度使上命陸贄草詔賜渾瑊使訪求奉天所失內人贄上奏曰今巨盜始平疲瘵之民瘡痍之卒尚未循拊而首訪婦人非所以副維新之望也上遂不降詔而遣中使求之范氏曰不降詔而遣使是閉其門而由戶出也人

集覽

格關杜甫閬山

歌中原格關且未歸注兩相敵曰格關王泌姓名必薄必反廟號廟者尊嚴之名尊先祖貌也崔豹古今注廟者貌也所以髣髴先人之容貌熒熒守歲熒惑注見漢成帝綏和二年歲注見晉帝奕太和五年野

次野宿於郊外也公羊傳注次者兵舍止之名五星
羸縮天官書其趨舍而前曰羸退舍曰縮羸其國有
兵不復縮其國有憂將亡國傾敗其所在五星皆從
而聚於一舍索隱曰趨音聚從也漢天文志凡五星
早出為羸羸為客晚出為縮縮為主
質實陳後主禎

明元年陳諜藍田縣名注見周赧王三年股票注見
隋文帝開皇二十年咸陽縣名注見周顯王十九年
于公異蘇州吳人露布注見晉恭帝元熙二年涇州
注見漢光武建武元年安定社稷注見新莽天鳳元
年萬一注見高祖武德九年寧州注見肅宗上元元
年涇原節度注見宋文帝元嘉七年平涼奉天縣名
注見建中元年中使注
見玄宗開元十五年

書法

五月書吐蕃歸國六月書李
晟收京則夷兵之無益明矣

發明

朱泚何以不書伏誅曰安史反君故其子殺父以報之僕固瑒叛逆故為其所殺今朱

泚僅止書伏誅則無以見其死於部將之手此蓋綱目深意示人出反之報若曰泚能反君故其將亦能殺之所以為亂臣賊子之戒爾

後書淮西將殺李希烈亦同此意

以李晟為司徒中書令渾瑊為侍中駱元光等遷官有

差○上發梁州考異

上當作帝

上問陸贄今至鳳翔諸軍甚盛因此遣人代李楚琳何如贄上奏曰如此則事同脇執以言乎除亂則不武以言乎務理則不誠用是時巡後將安入議者或謂之權臣竊未喻其理夫權之為義取類權衡今輦路所經首行脇奪易一帥而虧萬乘之義得一方而結四海之疑乃是重其所輕而輕其所重謂之權也

不亦反乎夫以反道為權以任數為智此古今所以多喪亂而長姦邪也不如俟奠枕京邑徵授一官彼將奔走不暇安敢復勞誅鉏哉胡氏曰孔子曰可與立未可與權此章絕矣唐棣之華偏其反而其義不與上相蒙也說者乃貫之為一謂唐棣之華一反一正以喻用權者當反經以合道於是權之義不復明於天下而變詐術數之事行矣陸贄之學其師承不可考然觀其陳輕重之義破反道之說皆秦漢諸儒所不能及者宜其操守堅固議論端實猷為通達而不畔於道也使遇太宗其效不在魏文貞下矣

集

覽權

之為義公羊傳桓十一年古人之有權者祭仲之權是也權者何權者反於經然後有善者也解

云權之說所以扶危濟弱舍死亡無所設也借使君父臨溺河井寧不執其髮乎是其義也奠枕京邑奠枕安也謂京師都邑皆安也楊子寡見篇奠枕於京唐棣之華偏其反而華音花李氏曰此章逸詩也今

毛詩無此語蓋夫子刪去之也詩有常棣此作唐棣
恐唐棣是木名其華兩兩相背故曰偏其反而華先
反而後合賦此詩者以言權道反而後正誤唐棣之
至於大順也晉書偏作翩意亦相似
反而今按論語朱子注偏晉書作翩反當與翻同言
華之搖動也先儒誤以未可與權連偏其反而為一
章故有反經合道之說程子非之是矣胡氏之論正
欲破反道之說集覽不引朱子注為證反引李氏之
說借欲為反道之證者說起漢質實魏文貞魏徵
儒亦不始於李氏也不達甚矣卒謹文貞公

秋七月至鳳翔喬琳蔣鎮張光晟等伏誅○遣給事中
孔巢父宣慰河中李懷光殺之

元帥判官高郢勸李懷光歸款懷光遣其子璿詣行
在謝罪請束身歸朝詔巢父宣慰并其將士悉復官

爵巢父至河中懷光素服待罪巢父不之止懷光左
右多胡人皆歎曰太尉無官矣巢父又宣言於衆曰
軍中誰可代太尉領軍事者於是懷光左集覽
取右發怒殺巢父懷光不之止復治兵拒守

質實

河中府名注見周
赧王十二年蒲坂

發明

懷光遣子謝罪請求身歸朝綱目皆不書之
至於巢父為左右所殺乃復歸罪懷光何也

懷光親行反叛致乘輿奔走罪不容誅今幸天子
赦宥慰撫自當生死惟命一聽王人所為而又縱
令左右賊之則是達而不復罪愈加矣是以書法
如此若夫巢父書遣書爵者予其不失使指也一
子一奪而綱
目之情見矣

車駕還長安

渾瑊韓遊瓌戴休顏以其衆扈從李晟駱元光尚可
孤以其衆奉迎步騎十餘萬旌旗數十里晟謁見上
於三橋先賀平賊後謝收復之晚伏路左請罪上駐
馬慰撫為之掩涕令左右扶上馬至宮每間日輒宴
勲臣李晟為之首渾瑊次之諸將相又次之胡氏曰
晟推功於下而引咎歸已此固哲人之所為而晟能
之宜其孤忠獨立

集覽

問曰問音閑謂問暇之日也
駱元光姓名也駱音洛追縱

而追蹤汾陽也

汾陽郭子儀封為汾陽忠武王言李質實三橋即三
晟之功可以追紹子儀之遺蹤也

質實

渭橋注見

漢高后八年渭橋

徵李泌為左散騎常侍

李泌為杭州刺史徵詣行在日直西省朝野皆屬目
上問河中為憂泌曰天下事甚有可憂者若惟河中

不足憂也陛下已還宮闕懷光不末身歸罪乃虐殺使臣鼠伏河中不日必為帳下所梟矣初上發吐蕃以討朱泚許以安西北庭之地與之及泚誅吐蕃來求地上欲與之泌曰安西北庭人性驍悍控制西域五十七國及十姓突厥又分吐蕃之勢使不得併兵東侵奈何拱手與之且兩鎮之人勢孤地遠盡忠竭力為國家固守近二十年誠可哀憐一旦棄之戎狄彼必深怨中國他日從吐蕃入寇如報私讐矣況日者吐蕃觀望不進陰持兩端大掠而去質實杭州注何功之有衆議亦以為然上遂不與之見憲宗元和二年安西鎮名注見高宗永淳元年北庭鎮名注見齊明帝建武四年高昌西域國名注見漢哀帝元壽二年十姓突厥注見中宗嗣聖十三年

八月顏真卿為李希烈所殺

李希烈聞希清伏誅忿怒遣中使至蔡州殺顏真卿
中使曰有敕真卿再拜中使曰今賜卿死真卿曰老
臣無狀罪當死不知使者幾日發長安使者曰自實
大梁來真卿曰然則賊耳何謂敕邪遂縊殺之

實

蔡州注見漢光武
建武十九年汝南

書法

巢父書殺之此書為所殺何為真卿惜也何
以言之真卿留蔡於是二十閱月無生理矣

真卿之死當於希烈僭號時也終綱
日書為所殺十詳漢昭烈章武元年

發明

中宗時書敬暉等為武三思所殺所以譏五
王不能討賊反受制於賊手也今此書真卿

為希烈所殺意亦然乎曰非也五王誅二張復中
宗三思在其掌握當斷不斷故綱目變文以罪之
耳若真卿則於建中四年書希烈陷汝州詔遣真
卿宣慰之則是受命天朝奉將使指其權初不在

已故綱目書此正以著虛杞陷害之意若曰朝有老臣如真卿者不能保全始終乃使之為賊所殺故夫希烈非能殺真卿乃是朝廷使真卿為希烈所殺耳書法如此其所以歸罪當時之意為何如

噫哉

以李晟為鳳翔隴右節度等使進爵西平王

李晟以涇州倚邊屢害軍帥奏請往理不用命者力田積粟以攘吐蕃遂以晟兼鳳翔隴右節度等使時李楚琳入朝晟請與俱至鳳翔斬之以懲逆亂上以新復京師務安反仄不許晟至鳳翔治殺張鑑之罪新裨將王斌

質貫

西平郡名注見漢宣帝元康四年

等十餘人

注見周顯王八年

岐縣隴右道名張九韶曰治西平郡注見漢宣帝元康四年

注見周顯王二十五年吐蕃西羌

種名注見太宗貞觀八年
反仄注見肅宗寶應元年

遣渾瑊等討李懷光軍於同州

上命渾瑊駱元光討懷光懷光遣其將徐庭光軍長
春宮以拒之瑊等數戰不利時度支用度不給議者

多請赦懷瑊實
春宮注見玄宗開元十一年長
光上不許

馬燧討李懷光取晉慈隰州以渾瑊為河中節度使康

日知為晉慈隰節度使

懷光遣將守晉慈隰三州馬燧遣人說下之詔以渾
瑊鎮河中三州隸燧燧初以王武俊急攻康日知於
趙州奏請詔武俊與李抱真同擊朱滔而以深趙與
之改日知為晉慈隰節度使上從之日知未至而三

州降燧上使燧兼領之燧表讓於日知且言因降而授恐後有功者踵以為常上嘉而許之燧遣使迎日

知既至籍府

質實

晉慈隰三州晉注見漢獻帝建安七年河東慈注見陳宣帝大建五

年隰注見晉懷帝永康二年蒲子康日知靈州人慎之孫深趙二州名深注見穆宗長慶二年下博趙注

見漢景帝三年趙國河中節度注見周赧王十二年蒲坂

朱滔上表待罪

朱滔為王武俊所攻殆不能軍上表待罪

冬十月詔給朔方行營冬衣

度支以懷光所部將士同反不給冬衣上曰朔方軍累代忠義今為懷光所制耳將士何罪其別貯以俟

道路稍通實實朔方郡名注見漢
即時給之武帝元朔元年

書法朔方行營何懷光兵也於是懷光即反惟別
貯以俟耳書給何嘉意也德宗此意可謂近

於仁雖未給猶
給也故先書給

馬燧取絳州○以竇文瑒王希遷為監神策軍兵馬使

考吳

按凡例宦者除拜當書者皆加宦者字據分注魚
朝恩即誅不復使宦官典兵至是以文瑒希遷分

典禁旅此當書宦者以著其
權歸內侍不書宦者闕漏也

初魚朝恩既誅代宗不復使宦官典兵上即位悉以
禁兵委白志貞志貞得罪上復以竇文瑒代之及遷
長安頗忌宿將握兵多者稍稍
罷之以文瑒希遷分典禁旅

閏月李晟誅田希鑒

李晟初至鳳翔涇原節度使田希鑒遣使參候晟謂使者曰涇州逼近吐蕃萬一入寇州兵能獨禦之乎欲遣兵防援又未知田尚書意使者歸以告希鑒果請援兵晟遣腹心將彭令英等戍涇州晟尋託巡邊詣涇州希鑒出迎晟與之並轡而入道舊結歡希鑒妻李氏以叔父事晟晟謂之田郎食具三日食曰巡撫畢即還鳳翔希鑒不復疑晟伏甲而宴之既飲彭令英引涇州諸將下堂晟曰我與汝曹久別可各自言姓名於是得為亂者石奇等三十餘人數具罪而斬之顧希鑒曰田郎亦不得無過引出縊殺之入其營諭以誅希鑒之意

質實 股票注見隋文帝開皇二十年

衆股票無敢動者

十一月李澄以鄭滑降劉洽克汴州

李希烈遣其將翟崇暉圍陳州久之不克李澄知大
梁兵少不能制滑州遂焚希烈所授旌節誓衆歸國
劉洽遣都虞候劉昌與隴右節度使曲環等將兵救
陳州擒崇暉進攻汴州希烈懼奔蔡州澄引兵趣汴
州希烈鄭州守將詣澄降汴州守將田懷珍開門納
洽軍李勉累表請自貶詔罷都統平章事如故至長
安素服待罪議者多以勉失守不應尚為相李泌言
於上曰李勉公忠雅正而用兵非其所長且大梁不
守將士棄妻子而從之者殆二萬人足以見其得衆
心矣且劉洽出勉麾下勉急衆以授之卒平大梁亦
勉之功也上質實陳州注見周赧王三十六年大梁
乃命勉復位郡名注見周顯王二十九年滑州
注見隋恭帝皇泰二年汴州注見周顯王二十九年
大梁劉洽彭城人鄭州注見梁武帝善通六年鄭城
劉昌開封人麾下注見
漢獻帝建安十四年

加鹽漢司正章事

舊唐書言漢聚兵修城陰蓄異志上疑之以問李泌
對曰漢公志清儉貢獻不絕鎮撫江東盜賊不起所
以修城爲遠慮之備耳此乃人臣忠篤之慮奈何更
以爲民乎泌性剛嚴不附權貴故多謗毀臣敢保其
無他上曰外議洵洵卿弗聞乎對曰臣固聞之其子
上爲奴不教歸省正以謗語沸騰故也退遂上章請
以萬口無訛他日又言於上曰臣之上章非私於泌
乃爲朝廷計也上曰如何對曰今天下旱蝗關中米
乏上欲合康耗竭而江東豐稔願陛下早下臣章以
解民食之憂而諭韓臯使之歸覲令泌速運糧餉此
朝廷大計也上即下泌章令臯歸覲而諭之曰卿父
老矣言法不復信關中乏糧宜速致之臯至泌感
泣即日發米百萬斛聽臯留五日即還朝自送至江
上臯更爲再遣之陳少遊聞之即貢米二十萬斛會

劉裕傳字希烈起居注云某月日陳少遊上表歸順
少遊與之恐懼發疾卒大將王韶欲自為留後韓滉
遣使謂之曰汝敢為亂吾即日全軍渡江誅汝矣韶
惶恐止上疏之喜謂李泌曰滉不惟安江東又能安
淮南真大臣之器卿可謂知人遂加滉平章事江淮
轉運使使人貢無虛月朝廷賴之使者勞問相繼恩
遇始集賢為郎郎官名注見
漢武帝元朔三年
質實
關中注見玄宗開元十一年京兆

蕭復罷為左庶子

復遷復自江淮還與李勉盧翰劉從一俱見上勉等
遂復復留言於上曰陳少遊任兼將相首敗臣節韋
平奉府下安獨建忠義請以舉代少遊鎮淮南使善
惡悉歸二賊之尋遣中使馬欽緒揮劉從一附耳語
而去語初遂問從一詣復曰欽緒宣旨令從一與公
議與來所言事即奏行之勿令李盧知敢問何事也

復曰唐虞黜陟岳牧金諧爵人於朝與士共之使李
虛不堪為相則罷之既在相位朝廷政事安得不與
之同議而獨隱此一事乎此最當今之大弊不惜
與公奏行之但恐浸以成俗未敢以告竟不以事語
從一從一奏之上愈不悅復乃辭位范氏曰蕭復欲
黜少遊賞韋臯此公議也何疑於李勉虛翰而獨與
臣一為密邪且既以為相而不待之以識則疎遠之
臣其可信者幾希矣如是忠臣賢者豈得盡其心乎

集覽

岳牧金諧書舜典咨四岳咨十有二牧金曰云
云帝曰往哉汝諧注僉衆也衆皆云此人可用

也汝諧謂汝可
往而和諧其職

質實

幕府注見秦王政三
年李虛謂李勉虛翰

是歲蝗大饑

乙丑

貞元元年春正月贈顏真卿司徒諡文忠質實

司徒
官名

注見秦始皇
二十六年

書法

贈書諡嘉死節也終綱目書贈官十有二詳

晉明帝太寧二年

贈書諡者三人顏杲卿

考實顏真卿惟

顏氏有二焉

發明

真卿前日死節而不以死節書者變文起義所以歸罪姦臣陷害之意耳至是書贈司徒

諡文忠者所以見當時褒崇之典表其死節之烈為後勸也

○以盧杞為澧州別駕

盧杞遇赦移吉州長史謂人曰吾必再入未幾上果欲用為饒州刺史給事中袁高應草制執以白盧翰劉從一曰盧杞作相致鑾輿播遷海內瘡痍奈何遽遷大郡願相公執奏翰等不從更命他舍人草制制

出高執之不下且奏杞極惡窮凶何可復用上不聽
補闕陳京趙需等上疏曰杞三年擅權百揆失叙天
地所知華夷同棄儻加巨姦之寵必失百姓之心素
高復於正牙論奏上曰杞已再更赦高曰赦者止原
其罪不可為刺史陳京等亦爭之曰杞之執政百官
常如兵在其頸今復用之則姦黨皆唾掌而起上大
怒諫者稍引却京顧曰需等勿退此國大事當以死
爭之上怒稍解謂宰相與杞小州李勉曰陛下欲與
之雖大州亦可其如天下失望何乃以杞為澧州別
駕上謂李泌曰朕已可素高所奏泌曰累日外人竊
議叱陛下於桓靈令承德音乃堯舜之不逮也上悅
杞竟卒於澧州胡氏曰德宗非能從諫者至是勉強
而從其美不可掩矣李泌將順之言是也而以為堯
舜不逮則失言矣若曰乃知陛下可與為堯舜則可
兩集覽

他舍人草制他猶別也

正五品上掌侍進奏參議表章凡詔旨制敕

聖書冊命皆起草進書既下則著行百揆注見晉安
帝元興元年正牙論素牙與衙通天子居曰衙行曰
駕正牙正朝也又正衙奏事
質實
元興元年安成饒
注見高宗永徽五年仗下

州注見梁武帝太清元年鄱陽蠻興注見興元元年
陳京桐廬人補闕官名唐制左補闕六人掌諷諫大
事則廷論小事則上封事宋初改為左右司諫此其
始也澧州注見高宗上元二年別駕官名注見宋文
帝元嘉二十八年桓
靈謂漢之桓帝靈帝

三月馬燧敗李懷光兵於陶城夏四月燧及渾瑊又破
懷光兵於長春宮

懷光都虞侯呂鳴岳密通款於馬燧事泄懷光殺之
事連幕僚高郢李鄴懷光集將士而責之郢鄴抗言

逆順無所慙懷光囚之燧敗懷光兵於陶城斬首
萬餘級分兵會渾瑊逼河中破懷光兵於長春宮南
遂圍宮城懷光將相繼來降韓遊瓌請兵於渾瑊
共取朝邑懷光將閻晏欲爭之士卒指邠軍曰彼非
吾父兄則吾子弟奈何以白刃相向乎語甚囂晏遽
引兵去懷光知衆心不從乃詐稱欲歸國聚貨財飾
車馬云俟路過入貢由是得復踰旬月時連年旱蝗
資糧匱竭言事者多請赦李懷光李晟上言赦懷光
有五不可河中距長安纔三百里同州當其衝多兵
則未為示信少兵則不足隄防忽驚東偏何以制之
一也今赦懷光必以晉絳慈隄遷之渾瑊既無所詣
康日知又應遷移土宇不安何以獎勵二也陛下連
兵一年討除小醜兵力未窮遽赦其罪今西有吐蕃
北有回紇南有淮西觀我殫弱必起窺覲三也懷光
既赦則朔方將士皆應叙勲行賞今府庫方虛賞不
滿望是愈激之使叛四也既解河中罷諸道兵賞典

欽定四庫全書

卷四十七上

不舉怨言必起五也今河中斗米五百芻藁且盡陛下但敕諸道園守旬時彼必有內潰之變何必養腹心之疾為他日之悔哉馬燧入朝奏曰懷光凶逆尤甚赦之無以令天下願更得一月糧必為陛下平之上許質實朝邑縣名注見隋煬帝大業十三年邠軍之

見太宗貞觀十年淮西謂李希烈

以曹王臯為荊南節度使淮西將李思登以隨州降之

質實

曹州名注見漢光武建武八年濟陰荊南節度注見漢獻帝建安十三年南郡隨州注見宋文帝元

嘉二十二年

○六月以韋臯為西川節度使質實

西川節度注見晉武

帝泰始八年益州

○朱滔死以劉怱為幽州節度使質實

劉怱幽州

平昌人幽州節度注
見高祖武德四年

書法

田承嗣嘗反矣書卒滔既上表待罪則其書死何承嗣既赦滔未赦也綱目一字之貶嚴

矣

○秋七月陝虢軍亂殺其節度使張勸詔以李泌為都防禦轉運使

陝虢兵馬使達奚抱暉鴆殺節度使張勸代總軍務邀求旌節且陰召李懷光將達奚小俊為援上謂李泌曰若蒲陝連衡則猝不可制而水陸之運皆絕矣不得不煩卿一往乃以泌為都防禦水陸運使欲以神策軍送之泌曰陝城三面懸絕攻之未可以歲月下也臣請以單騎入之且令河東全軍屯安邑馬燧

欽定四庫全書

御批資治通鑑綱目

十六

入朝願救遂與臣同辭偕行使陝人知之亦一勢也
上曰雖然朕方大用卿寧失陝州不可失卿當更使
他人往耳對曰他人猶豫遲延必不能入上乃許之
泌見陝州將吏在長安者語之曰主上以陝競饑故
不授泌節而領運使欲令督江淮米振之今當使抱
暉將行營有功則賜旌節矣抱暉稍自安泌與馬燧
疾驅而前將佐不俟抱暉之命來迎泌笑曰吾事濟
矣去城十五里抱暉亦出謁泌慰撫之抱暉喜泌視
事賓佐有請屏人白事者泌曰易帥之際軍中煩言
乃其常理泌到自安貼矣不願聞也由是反仄者皆
自安泌但索簿書治糧儲明日召抱暉語之曰吾非
愛汝而不誅恐自今有危疑之地朝廷所命將帥皆
不能入故旬汝餘生汝為我齋版帶祭前使慎無入
關自擇安處潛來取家保無他也泌之辭行也上籍
陝將預於亂者七十五人授泌使誅之泌奏已遣抱
暉餘不足問上復遣中使必使誅之泌不得已械兵

馬使林滔等五人送京師集覽達奚代北複姓也本
抱暉遂亡命不知所之東胡種將行營將去

聲行營注見
建中四年

質實

陝號二州名陝注見周顯王四十
五年號注見宋文帝元嘉十二年

華連衡注見漢光武建武五年河東郡名注見漢獻
帝建武七年安邑縣名注見周威烈王二十三年猶

豫注見漢光
武建武七年

書法

殺張勸者達奚抱暉也不書主名何綱目之
法凡殺主帥即用為主帥則書其主名所以

著姑息也非
是皆畧之

大旱

瀟澹將竭長安井皆無水度支奏中外
經費繞支七旬詔浮費冗食皆罷之
所質實瀟澹二
水名瀟

注見秦王政二十二年
漣注見玄宗天寶二年

八月馬燧取長春宮遂及諸軍平河中李懷光縊死

馬燧與諸將謀曰長春宮不下則懷光不可得然其
守備甚嚴攻之曠日持久我當身往諭之遂徑造城
下呼其守將徐庭光庭光帥將士羅拜城上燧知其
心屈徐謂之曰我自朝廷來可西向受命庭光等復
西向拜燧曰汝曹徇國立功四十餘年何忽為滅族
之計從吾言非止免禍富貴可圖也衆不對燧披襟
曰汝不信吾言何不射我將士皆伏泣燧曰此皆懷
光所為汝曹無罪第堅守勿出皆曰諾燧等遂進逼
河中懷光舉火諸營不應駱元光使人招庭光庭光
罵辱之及燧還乃開門降燧以數騎入城慰撫之其
衆大呼曰吾輩復為王人矣渾瑊謂僚佐曰始吾謂
馬公用兵不吾違也今乃知吾不違多矣燧帥諸軍

至河西河中軍士自相驚曰西城掾甲矣又曰東城
疑隊矣須臾軍士皆易其號為太平字懷光不知所
為乃縊而死初懷光之解奉天圓也上以其子璿為
監察御史及懷光屯成陽不進璿密言於上曰臣父
必負陛下願早為之備臣聞君父一也但今日陛下
未能誅臣父而臣父足以危陛下故不忍不言上驚
曰卿大臣愛子當為朕委曲彌縫之對曰臣父非不
愛臣臣非不愛其父與宗族也顧臣力竭不能回耳
上曰然則卿以何策自免對曰臣父敗則臣與之俱
死復有何策哉使臣賣父求生陛下亦安用之及李
泌赴陝上謂之曰朕所以欲全懷光誠惜璿也卿至
陝試為朕招之對曰陛下未幸梁洋懷光猶可降也
今雖請降臣不敢受況招之手璿固賢者必與父俱
死矣若其不死則亦無足責也及懷光死璿亦自殺
胡氏曰嗟乎李璿之死也知父非義說之而弗從知
君之不可背欲事之而不可得德宗既欲全之則宜

預詔馬燧以懷先叛逆罪止其身念嘗勤王特宥其
子使懷先父子知之則懷先必使璿勿死而璿亦可
以不死矣○朔方將牛名俊斷懷先首出降燧斬閤
晏等七人餘皆不問出高郢李鄴於獄奏置幕下燧
自辭行至是凡二十七日駱元光以徐庭光辱已殺
之入見馬燧頓首請罪燧大怒曰庭光已降公輒殺
之自無統帥也欲斬之韓遊瓌曰元光殺裨將公猶
怒如此公殺節度使天子其謂何燧乃捨之渾瑊盡
得李懷光之衆朔方集覽曰燧隊側角反謹也史紹
軍自是分居邠蒲矣曰謂謹其隊伍也後漢中
山簡王傳官騎稱堤前得注堤齊正誤按不忍不言今
整也不忍不言猶言不敢不說也
乃不忍人之忍言不忍質實梁王四年漢中洋注見周
見君上之危而不言也
興元元年勤王注見
漢獻帝建安元年

加馬燧兼侍中質實

侍中官名注見高祖武德七年

○赦懷光一子收

葬其尸罷討淮西兵

上問陸贄今復有何事宜區處者贄以河中既平慮必有希旨生事之人請乘勝討淮西者李希烈必誘諭其所部及新附諸帥曰奉天息兵之旨乃因寇急而言朝廷稍安必復誅伐如此則四方負罪者孰不自疑河朔青齊固當響應兵連禍結賦役繁興建中之憂行將復起乃上奏曰陛下悔過降號聞者涕流故諸將效死叛夫請罪逆泚懷先相繼梟殄曩以百萬之師而力殫今以咫尺之詔而化洽是則聖王之敦理道服暴人任德而不任兵明矣羣帥之恃臣禮拒天誅圖活而不圖王又明矣蓋好生以及物者乃自生之方施安以及物者乃自安之術若擠彼於死地而求此之久生措彼於危地而求此之久安從古

及今未之有也今叛帥革面復修臣禮然其深言密
議固亦未盡坦然必當聚心而謀傾耳而聽觀陛下
所行之事考陛下所誓之言若言與事符則遷善之
心漸固儻事與言背則慮禍之態復回所宜布恤人
之惠以濟威乘滅賊之威以行惠臣所未敢保者唯
希烈耳想其私心非不追悔但以猖狂失計已竊大
名雖荷陛下全宥之恩然不能不自覲於天地之間
耳縱未順命斯為獨夫內則無辭以起兵外則無類
以求助陛下但教諸郡各守封疆彼既氣奪算窮是
乃狂悖之類不有人禍則當鬼誅告所謂不戰而屈
人之兵者斯之謂歟詔以李懷光嘗有功宥其一男
歸其尸使收葬諸道與淮西連接者非彼侵軼不須
進討李希烈若降當待**集覽**閩者涕流一本涕作上
以不死自餘一無所問**集覽**刊誤狂悖邊迷反說
文狂悖獄也所以拘罪人侵**質實**河朔二州名注見
軼注見晉穆帝永和二年

質實

河朔二州名注見
玄宗天寶十五載

青齊二州名青注見漢桓帝永康元年齊注見漢景帝三年濟南咫尺注見建中四年獨夫注見宋明帝泰始元年

書法

書子存厚也懷光反者厚之則曷為子之懷光之反盧杞激之也綱目正本故其死不書

伏誅於是而赦其一子俾之收葬足以為厚矣

發明

王者記功忘過而服叛以理懷光之反固當誅夷德宗以其嘗解奉天之圍特赦一子使

之收葬其尸至於希烈之逆勢已窮處亦開其自新之路未幾淮西自平果不逃陸贄所料綱目揭而書之蓋子其忠厚存心以恕待人之意豈以其號為猜忌強明之主而併沒其善哉

以張延賞為左僕射

初李晟戍成都取其營妓以還西川節度使張延賞
怒追而返之晟遂與延賞有隙至是上召延賞入相
晟表陳其過惡上重違其意以延賞為左僕射胡氏
曰西平雖同平章事黜陟百官已非其任况進退宰
相乎迹二人之隙正以成都營妓之故晟與延賞於
是乎交失之矣然與其責人不若責己則晟之失為
重而晟不知自反至於有隙又陳其過惡而尼其入
相是克伐怨欲必行焉失而又失其累德多矣蓋不
待尚結贊之間而德宗猜心

集覽

西平李晟也封西
平王尚結贊之間

間離間也

質實

成都府名注見晉武帝泰始八年並
州張延賞蒲州人嘉貞之子僕射官

名注見泰始皇三十四
年黜陟無退也陟陞也

九月盧龍節度使劉忞卒以其子濟知節度事質實

龍

節度注見漢武帝
元朔二年肥如

○劉從一罷○冬十二月戶部奏令

歲入貢者凡百五十州

書法

入貢未有書數者此其書數何諸鎮之叛貢
道幾絕於是而有百五十州故書之則前乎

此之不然
又可知矣

二年春正月以劉滋崔造齊映同平章事

造少與韓會盧車美張正則為友以王佐自許時人
謂之四夔上以造敢言故不次用之滋映多諫事於
造造久在江外疾錢穀訪使周上之弊奏罷水陸度
支轉運等使訪道租賦悉委觀察使刺史遣官送京
師令宰相分判六曹映判兵部李勉判刑部滋判吏
禮部造判戶工部造與戶部侍郎元琇善使判諸道

鹽鐵榷酒韓滉奏論其過失罷之程子曰四夔以王
佐自許獨造至宰相所設施者罷轉運一事而所以王
易之者卒於無成虛名而少實也如此古人之修佐
王之業者必始於格物致知意識心正其身治然後
可推而及人已之道術不明君之
邪僻不去而能成善治者未矣
質實 崔造安平人
四夔夔渠為反獸名又山鬼孔叢子云土石之
怪曰夔說見韓文權酒注見漢武帝天漢三年

三月李泌開運道成

泌自集津至三門鑿山開運
道十八里以避底柱之險
集覽 李泌姓名也董衡
曰泌音薄必反或

音兵媚反者非三門山名注見漢成帝
綏和二年析底柱底柱山名注同上
質實 集津注
見漢成

帝綏和二
年底柱

書法

治道未有書其人者。蘇蒙恬不書。此其書李泌何于功也。凡成久辭也。此則曷為書成速

成也。網目久成。書成速成。書成晉孝武新宮書成。太元三年李泌運道書成。是年周河隄書成。五代

甲寅年皆

速成者也

夏四月淮西將陳僊奇殺李希烈以降。以僊奇為節度使。

希烈別將寇襄鄭州。樊澤李澄擊破之。希烈兵勢日蹙。會有疾。僊奇使醫毒殺之。因屠其家。舉衆來降。詔以為淮西實。實。二年。襄陽鄭注見梁武帝。善通六年

鄭城淮西節度。注見漢光武建武十九年。汝南

秋七月陳儼奇為其將吳少誠所殺以少誠為留後

少誠素狡險為李希烈所寵任故為之報仇胡氏曰陳儼奇為國殺賊賞以節鉞是也吳少誠黨賊而殺儼奇亦以與之則賞罰混殺兆淮蔡之質實吳少誠亂矣差之毫釐謬以千里此類是也

新安人

節鉞注見興元元年

書法

凡書為所殺讖自取也錄蜀張鼎唐王王此其讖數不以少誠同於儼奇也故異其文異

其文者異其事也而俱賞之是以儼奇同於希烈也唐之無章甚矣故自是李萬榮程懷信逐其主帥就用為代皆不書以為是不足深讖也

以曲環為陳許節度使

陳許荒亂之餘戶口流散環以勤儉率下政令質實寬簡賦役平均數年間流亡復業兵食皆足

陳許二州名陳注見周徽王三十六年許注見漢後主建興十年許昌

吐蕃入寇詔渾瑊駱元光屯咸陽○九月置十六衛上

將軍

初上與常侍李泌議復府兵泌言府兵平日皆安居田畝每府有折衝領之農隙教戰有事徵發則以符契下州府參驗發之至所期處將帥按閱有不精者罪其折衝甚者罪及刺史軍還則賜熟加賞行者近不踰時遠不經歲高宗以劉仁軌為洮河鎮守使以圖吐蕃於是始有久戍之役又牛僊客以積財得宰相邊將效之誘戍卒使以所齎繒帛寄於府庫而苦役之利其死而沒入其財故戍卒還者什無二三然

未嘗有外叛內侮者誠以顧戀田園恐累宗族故也
自開元之末張說始募長征兵兵不土著不自重惜
忘身徇利禍亂遂生歸使府兵之法不廢安有如此
下陵上替之患哉上以為然因有是命然卒亦不能
復集覽十六衛唐制八衛曰左右衛曰驍衛曰武衛
也集覽曰威衛曰領軍曰金吾曰監門曰千牛此八

衛也各有左右故曰十六衛每衛有上將軍有大將
軍有將軍自左右衛至領軍掌宮禁宿衛金吾掌宮
中京城巡警監門掌諸門禁衛千牛掌侍衛也詳見
杜牧原十六衛府兵注見玄宗開元十年洮河二州
名洮音滔唐西羌地唐置洮州
河本漢金城郡後秦置河州
河二州名洮注見高祖武德六
年河注見晉穆帝永和元年

書法

於是欲復府兵不果不果矣
何以書以為宜復也故志之

質實折衛注見漢成
帝綏和三年洮

以賈耽為義成節度使

義成節度使李澄卒其子克寧祕不發喪殺行軍司馬墨線視事增兵城門劉玄佐出師境上使人告諭之克寧乃不敢襲位玄佐即洽也詔以耽鎮鄭滑克寧悉收軍資夜出軍士剽之殆盡淄青兵數千自行營歸過滑州將佐皆曰李納雖外奉朝廷內蓄兼并之志請館其兵於城外耽曰奈何與人鄰道而野處其將士乎命館於城中耽時引百集覽墨線注見齊騎獵於納境納聞之悅服不敢犯

年質實義成節度注見懿宗咸通十年淄青軍名注見代宗大曆十四年行營注見建中四年賈

耽滄州南皮人兼并注見貞元十年

京城戒嚴

欽定四庫全書

御批資治通鑑綱目

吐蕃遊騎及好時京城戒嚴民間傳言上復欲出幸
齊映見上言曰外間皆言陛下已理裝具糧人情恟
懼夫大福不再陛下奈何不與臣等**集覽**好時縣名
熟計之因伏地流涕上亦為之動容

武建武二

十五年

李晟遣兵擊吐蕃於汧城敗之

李晟遣其將王泌將驍勇三千伏於汧城戒之曰虜
過城下勿擊其首俟見五方旗虎豹衣乃其中軍也
出其不意擊之必大捷必用其言尚結贊敗走僅而
獲免謂其人曰唐之良將李晟馬燧渾瑊而已當以
計去之入鳳翔境禁虜掠以兵直抵城下**集覽**汧城
曰李令公召我來何不出犒我經宿而退漢扶
風汧縣城也唐置臨汧縣又
注見漢光武建武六年汧

冬十月李晟遣兵拔吐蕃摧沙堡

李晟遣蕃落使野詩良輔與王泌襲吐蕃摧沙堡遇吐蕃與戰破之乘勝至堡下攻拔之斬其將焚其蓄積而還尚結贊引兵自寧慶北去集覽蕃落使使去韓遊瓌遣將追之虜棄所掠而去質實寧慶二州名寧注見謂之蕃落野詩良輔野詩質實寧慶二州名寧注見代北複姓良輔其名也肅宗上元元年慶注

見周顯王四
十一年義渠

十一月皇后崩考異

按崩葬例皇后曰某后某氏崩此不書氏傳錄闕漏考證當

皇后王氏崩○謹按凡例曰凡正統皇后曰某后某氏崩是年十一月甲午立淑妃王氏為皇后提要不書是月丁酉崩故當書王氏於皇后之下

書法

自代至僖后立崩皆無書者德宗未嘗書立后也此書后喪而不氏何譏也於是淑妃王

氏久疾帝念之立為后冊畢而沒立后大禮也將以母儀天下而立之於危病之中則其播告中外必有不知平時者矣綱目不書其立而書其喪后而不氏若曰未嘗聞立皇后也俄而有皇后喪而不知其氏焉所以深病帝也是故漢取他人子為惠帝子而不書立太子獨稱太子即位而缺其名唐立危病者為皇后則不書立皇后獨書皇后喪而缺其氏皆所以病之也自是終唐世惟順良娣憲貴妃以太后崩葬書舍是正嫡無書者矣其以太后崩葬書者皆非嫡也

發明

春秋僖元年書夫人氏之喪至自齊不書其姓公羊謂以其與弑閔公故貶之今此書皇

后崩亦不書姓豈有故乎考之通鑑是年十一月甲午立淑妃王氏為皇后至丁酉崩不書氏者承

上文也然則自立至崩特四日耳又考之唐史后傳妃久病帝念之遂立為后冊禮方訖而崩然則綱目所以不書其氏者惡其以病立故也夫皇后母儀天下儻欲正位中宮固當告之宗廟親受冊禮今乃病於床蓐遽正坤儀則非義矣萬一疾必不愈則有化日追諡之制存焉烏可以齊體宸極之禮加之病廢之人其將何以告謝宗廟此則綱目不書姓之意也不然他時皇后未有不書姓者何獨於此而闕之哉

○吐蕃陷鹽州質實

吐蕃西羌種名注見太宗貞觀八年

○韓滉劉玄佐

曲環俱入朝

先是關中倉庫竭禁軍或自脫中呼於道曰拘吾於軍而不給糧吾罪人也上憂之甚會韓滉運米三萬

斛至陝李泌奏之上喜謂太子曰吾父子得生矣時
禁中不釀命於坊市取酒為樂又遣中使諭神策六
軍軍士皆呼萬歲時比歲飢饉兵民率皆瘦黑及麥
熟市有醉者人以為瑞然人乍飽食死者甚衆數月
人膚色方復故范氏曰老子曰師之所處荆棘生焉
大軍之後必有凶年言民以其愁苦之氣傷天地陰
陽之和致水旱之災夫以兵除殘如人以毒藥攻疾
疾去而人傷亦甚矣其血氣必久而後復或終身遂
衰一失其養則易以死亡不若未病之完也先王制
治於未亂保邦於未危有天下者可不務哉○澆遂
入朝過汴時劉玄佐久未入朝澆與約為兄弟請拜
其母其母喜為置酒酒半澆曰弟何時入朝玄佐曰
久欲入朝力未能辦耳澆曰澆力可及弟宜早入朝
丈母垂白不可使帥諸婦女往填宮也母悲泣不自
勝澆乃遺玄佐錢二十萬緡備行裝澆留大梁三日
大出金帛賞勞一軍為之傾動玄佐驚服遂與曲環

俱入集覽文母義與文人同文人注正誤文母垂白

當作文心刊誤耳顏師古漢書注丈人嚴莊之稱故凡尊長皆稱焉丈母義同質實禁中注見宋孝

武帝大明六年六軍注見玄宗天寶十五載飢饉注見隋煬帝大業十二年

十二月以韓滉兼度支鹽鐵轉運等使

諸使之職行之已久中外安之崔造改法事多不集及元塲失職造遂憂懼成疾不視事既而江淮運米大至上嘉韓滉之功以滉兼度支轉運等使造所條奏皆改之

吐蕃陷夏銀麟州質實夏銀麟三州名夏注見漢武帝元朔元年朔方銀注見代宗大

曆十三年麟注見
玄宗開元九年
○崔造罷○李晟入朝

李晟遭讒謫問不能坦然自信則未嘗學問之過也凡人臣善處功名者不多舉見惟在帝王加意保全之斯可得善始善終耳

工部侍郎張或李晟之壻也晟在鳳翔以女嫁幕客崔樞禮重之過於或或怨遂附於張延賞上忌晟功名會吐蕃有離間之言延賞等騰謗於朝無所不至晟聞之晝夜泣目為之腫恙遣子弟詣長安表請為僧不許入朝稱疾懇辭方鎮亦不許韓滉素與晟善上命滉諭旨使與延賞釋怨引延賞詣晟第謝因飲盡歡晟表薦延賞為相胡氏曰延賞固小人不足責矣西平於是又失馬前方數其罪惡今又薦其可相人之賢否繫與我和與不和夫豈不取疑於人主乎他日延賞讒間如初然則昌若堅守初議之為正歟

質實

鳳翔府名注見周顯王八年岐

丁卯三年春正月以張延賞同平章事

李晟為其子請昏於延賞不許晟謂人曰武夫性快釋怨於杯酒間則不復貯胸中矣非如文士難犯外

雖和解內蓄憾如
故吾得無懼哉

淮西戍兵自鄜州叛歸過陝李泌邀擊斬之

陳僊奇降詔發其兵於京西防秋及吳少誠殺僊奇
密遣人召所遣兵馬使吳法超使引兵歸法超等遂
引步騎四千自鄜州叛歸上聞之急遣中使敕李泌
發兵防遏泌遣押牙唐英岸將兵趣靈寶淮西兵已
陳於河南矣泌給其食陰遣將將選士分為二隊伏
於太原倉之隘令之曰賊十隊過東伏則大呼擊之
西伏亦大呼應之勿遮道勿留行常讓以半道又遣
唐英岸夜出陳澗北燕子楚將兵趣長水明日淮西
兵入隘兩伏發賊衆驚亂死者四之一進遇英岸邀
擊之擒其將張崇獻法超帥衆趣長水子楚擊斬之
潰兵得至蔡者纔四十七人少誠以其少悉斬之以
聞泌執崇獻等六十餘人送京師詔腰斬於鄜州軍

門以令防集覽

鄆州注見漢獻帝建安十七年

質實

靈寶縣名注見玄宗天寶十五

載河南府名注見秦莊襄王元年三川太原倉一統志云在河南府陝州西南六里隋初所置淮西注見貞元元年澗北澗水之北注見建中四年長水未詳處所

雲南王異牟尋請內附

初雲南王閣羅鳳陷嵩州獲西瀘令鄭曰回通經術閣羅鳳愛重之其子及孫異牟尋皆師事之及異牟尋為王以回為相號清平官雲南有衆數十萬吐蕃每入寇常以為前鋒賊斂重數又奪其險要地立城堡歲徵兵助防雲南苦之回說異牟尋自歸於唐曰中國尚禮義有惠澤無賦役異牟尋以為然會西川節度使韋臯招撫羣蠻異牟尋潛遣人因諸蠻求內附臯奏宜招納之以離吐蕃之黨分其勢上命臯先

作邊將書以諭集覽

雲南閭羅鳳雲南古南詔也注見文宗太和三年南詔閭羅鳳

雲南王名舊州注見高祖武德七年西瀘縣名屬雋州瀘水一名苦水出旄牛徼外有瘴氣三四月經之多死唯五月上旬渡之無害諸葛亮五月渡瀘言其艱也

貶齊映為夔州刺史

張延賞與齊映有隙映在諸相中頗稱敢言上浸不悅延賞因言映非宰相器貶之

質實

夔州注見

漢獻帝建安十九年已東

劉滋罷以柳渾同平章事

韓滉性苛暴方為上所任言無不從他相充位而已百官羣吏救過不贍渾雖為滉所引薦正色讓之曰

先相公以編察為相不滿歲而罷今公又甚焉奈何
擄吏於省中至有死者且作福作威豈人臣所宜混
愧為之少
集覽擄吏擄與擄通音蒲庚反咎擊
霽威嚴
也霽威嚴注見太宗貞觀三年
質實

柳渾襄陽宜城
人歲之族孫

二月遣右庶子崔潏使吐蕃○鎮海節度使同平章事

韓滉卒

滉久在二浙所辟僚佐各隨其長無不得人常有故
人子謁之滉考其能一無所長然與之宴竟席未嘗
左右視因使監庫門其人終
質實鎮海節度注見憲
日危坐吏卒無敢妄出入者
宗元和二年杭州

書法節度兼宰相多矣未有卒書兼職者此書平
章事何在位也滉於諸鎮為最忠順故其卒

也備書之

發明唐節鎮帶平章事者多矣未有於其卒而書之者獨韓滉特書於冊所以表其忠勤之績

以示勸耳

以白志貞為浙西觀察使

上以白志貞為浙西觀察使柳渾曰志貞儉人不可復用會渾疾不視事詔下用之渾疾間遂乞骸骨不許

集覽

儉人儉誠也利口也書立政篇蔡氏傳曰小人而謂之儉人者形容其沾沾便捷之狀疾

間語子罕篇病間注少差曰間間如字記文王世子篇句有二日乃間注間猶瘳也疏云病重時病恒在身無少間空隙病今既損其間有空隙故云間又見韻會山韻

書法

官使名多矣未有為方鎮者也官者而使為方鎮與諸藩伍亦何以服其心哉終綱目

書官官為方鎮二唐白志

頁面王承休皆譏之也

三月以李晟為太尉

初吐蕃尚結贊得鹽夏州各留兵戍之退屯鳴沙羊馬多死糧運不繼又聞李晟破摧沙堡渾瑊馬燧各舉兵臨之大懼屢遣使求和上未之許乃卑辭厚禮求和於馬燧燧信其言為之請於朝李晟曰戎狄無信不如擊之韓滉曰今兩河無虞若城原鄆洮渭使晟及劉玄佐等守之河湟二十餘州可復也上欲從之會滉卒張延賞與晟有隙數言親和使上亦素恨回紇欲與吐蕃擊之遂從燧延賞計延賞又言晟不宜久典兵上乃謂晟曰朕以百姓之故與吐蕃和親決矣大臣既與吐蕃有怨宜留輔朕自擇代者晟薦

都虞候邢君牙遂以君牙為鳳翔尹加晟太尉罷鎮
晟在鳳翔嘗謂僚佐曰魏徵好直諫余竊慕之行軍
司馬李叔度曰此儒者事非勲德所宜也晟斂容曰
司馬失言矣晟任兼將相知朝廷得失而不言何以
為臣哉叔度慙而退及在朝廷上有所**集覽**鹽夏州
顧問極言無隱而性沈密未嘗泄於人**鹽州憲**
宗時改陰山府夏州秦上郡地漢分置朔**質實**鳴沙
方郡晉改夏州原鄯洮渭四州皆河湟也**鎮名**
注見中宗神龍二年原鄯洮渭四州名原注見漢光
武建武六年高平鄯注見漢宣帝元康四年湟中洮
注見高祖武德六年渭注見漢後主建興六年南安
河湟二州名注見玄宗開元二十四年邢君牙瀛州
人

樂壽

夏五月以渾瑊為會盟使

在潞見高結贊責以負約高結贊曰破朱泚未獲賞是以來耳公欲修好國所願也然渾侍中信厚聞於異域請必使之主盟遂遣城與盟於清水城將二萬餘人赴盟所尚結贊請盟於土梨樹或言土梨樹多險阻不如平涼乃許盟於平涼初韓滉薦劉玄佐可使將兵復河湟玄佐亦贊成之至是玄佐奏言吐蕃方彊未可與爭張延賞奏以河湟事委李抱真抱真亦固辭由延賞罷李晟兵柄故武臣皆憤怒解體不肯為用

質實

清水縣名注見漢光武建武六年平涼按一統志本漢朝那涇陽二縣地屬安

定郡東漢省涇陽入朝那晉因之後魏廢為長城縣地後周復置朝那縣隋改為平涼縣屬平涼郡唐屬原州宋沒於金金於縣置平涼府元以潘原縣省入國朝因之為平涼府治所仍屬焉侍中官名注見高祖武德七年解體注見漢桓帝延熹二年

書法

自屠推沙堡吐蕃遣使求和屢矣不書書以渾瑊為會盟使何蔽其失於中國也是役也

延賞
為之

閏月省州縣官

省州縣官收其祿以給戰士張延賞之謀也時新除官千五百人而當減者千餘人怨嗟盈路

以曹王臯為山南東道節度使

吳少誠繕兵完城欲拒朝命判官鄭常大將楊翼謀逐之事泄少誠殺之上以襄鄧扼淮西衝要以臯為節度使以襄鄧復鄧
質實
山南東道節度使見漢獻帝建安十二年襄陽襄鄧安隨唐七州隸之

復鄧安隨唐七州襄注見漢獻帝建安十二年襄陽鄧注見周赧王十四年襄復注見晉孝武帝太元六

年竟陵郢注見齊和帝中興元年安
德五年安陸隨注見宋文帝元嘉二十二年唐
齊武帝永明五年泚
陽隸之隸猶屬也

渾瑊與吐蕃盟於平涼吐蕃劫盟

渾瑊之發長安也李晟深戒之以盟所為備不可不
嚴張延賞言於上曰晟不欲盟好之成故戒賊以嚴
備我有疑彼之形則彼亦疑我矣盟何由成上乃召
瑊切戒以推誠待虜勿為猜疑瑊奏吐蕃決以辛未
盟延賞集百官稱詔示之曰李太尉謂和好必不成
今盟日定矣晟聞之泣曰吾生長西陲備諸虜情所
以論奏但恥朝廷為犬戎所侮耳上始命駱元光屯
潘原韓遊瓌屯洛口以為瑊援元光謂瑊曰潘原距
盟所且七十里公有急何從知之請與公俱瑊以詔
指固止之元光不從與瑊連營相次距盟所三十餘

里元光壕柵深固城壕柵皆可踰也元光伏兵於營西遊環亦遣五百騎伏於其側曰若有變則汝曹西趣柏泉以分其勢將盟尚結贊又請各遣騎卒數十更相覘索城許之吐蕃伏精騎數萬於壇西遊騎貫穿唐軍出入無禁唐騎入虜軍急為所擒城等皆不知入幕易禮服虜伐鼓三聲大譟而至城自幕後出偶得他馬乘之伏獵入其銜駢十里銜方及馬口虜縱兵追擊唐將卒死者數百人副使崔漢衡被擒城至其營將卒已遁元光發伏成陳以待之虜騎乃還是日上視朝謂諸相曰今日和戎息兵社稷之福柳渾曰戎狄豺狼也非盟誓可結今日之事臣竊憂之李晟曰誠如渾言上變色曰柳渾書生不知邊計大臣亦為此言邪皆頓首謝是夕韓遊瓌表言虜刼盟者兵臨近鎮上大驚謂渾曰卿書生乃能料敵如此其審邪上欲出幸大臣諫而止李晟大安園多竹或言晟伏兵其間謀因倉猝為變晟伐其竹上遣中使

齊詔遣尚結贊不納而還

質實

潘原一統志云唐之縣名屬原州宋因之元省故址在平涼府平涼

縣境內洛口地名未詳處所柏泉地名未詳處所社稷注見新莽天鳳元年大安園未詳處所倉猝急遽

貌中使注見立宗開元十五年

書法

與者何自我之辭也然則其受侮也有以取之矣外盟之辭四請盟卑辭也受盟順辭也

與盟降辭也來盟抗辭也終綱目書外盟五書與者一而已詳高祖武德七年

發明

春秋隱二年書秋八月庚辰公及我盟於唐唐為魯地此蓋費誓所謂徐戎在魯東郊之

境者魯君與之結盟修好成禮訖事而無化虞然春秋惡其以中國與夷狄盟故書時書月書日以深謹之夫夷狄無信王者外而不內焉可刑牲歃血要質鬼神與結誓盟况吐蕃在唐尤為桀黠德

宗猜忌多疑反乃信其所不當信特命大臣與之
結盟故綱目於吐蕃求親請盟之事皆削不書獨
書以渾瑊為會盟使於前而繼書渾瑊與吐蕃盟
於後所以見是盟乃唐人所欲非出於吐蕃之請
其所以致劫盟之辱者皆唐人自取之耳書法若
此其惡唐之意為如何哉自古會盟多矣未有屈
辱若是之甚者使唐之君臣而有人心則必愧死
無地矣雖然後之欲輕信夷狄者其為殷鑒豈不
明哉

六月以馬燧為司徒兼侍中

初吐蕃尚結贊惡李晟馬燧渾瑊曰去三人則唐可
圖也於是離間李晟因馬燧以求和欲執渾瑊以賣
燧使并獲罪因縱兵直犯長安會失渾瑊而止獲馬
燧之姪弇謂曰胡以馬為命吾在河曲春草未生馬

不能舉足當是時侍中渡河掩之吾全軍覆沒矣今
蒙侍中力全軍得歸奈何拘其子孫遣奔與宦官俱
文珍等歸上由是惡燧罷其副元帥節度使以為司
徒侍中張延賞慙懼謝病范氏曰人君於其所不當
疑而疑之則於其所不可信而信之矣此必然之理
也李晟之功社稷是賴而德宗猜忌使憂懼不保朝
夕至於讒邪之詭計戎狄之甘言則推誠而信之不
疑由其心術顛倒見善不明故也延賞以私憾敗國
殄民刑孰大焉德宗曾不致詰
集覽河曲縣名注見
使之得保首領死牖下幸矣
十二年死牖下注
質實長安縣名注見
見高宗總章二年
漢惠帝五年

以李泌同平章事

泌初視事與李晟等俱入見上謂泌曰朕欲與卿有
約卿慎勿報讐有恩者朕當為卿報之泌曰臣素奉

道不與人為讐李輔國元載皆害臣者今自斃矣素
所善者率已顯達或多零落臣無可報也臣今日亦
願與陛下為約可乎上曰何不可泌曰願陛下勿害
功臣李晟馬燧有大功於國聞有讒之者陛下萬一
害之則宿衛之士方鎮之臣無不憤怨反仄恐中外
之變復生也陛下誠不以二臣功大而忌之二臣不
以位高而自疑則天下永無事矣上以為然晟燧皆
起泣謝上因謂泌曰自今凡軍旅糧儲事卿主之吏
禮委延賞刑法委渾沁曰陛下不以臣不才使待罪
宰相宰相之職天下之事咸共平章不可分也若各
有所主是乃有司非宰相矣上笑曰朕適失辭卿言
是也范氏曰古之王者惟任一相以治天下是以治
出於一政有所統相得其職君得其道恭己無為而
天下治後世多疑於人宰相之職分而不一君以為
權在己臣以為政在君國之治亂民之休戚無所任
責故賢者不得行其所學不肖者得以苟容於其間

由官不正任不專故也如欲稽古以建官必以一相
統天下始可以言治矣胡氏曰上古一相專任賢也
漢置二人存交修之意焉唐自武后以來乃有數宰
相然亦無救於李林甫楊國忠元載盧杞之專權故
以擇人為要不以多員為善也夫聖王之法關盛衰
必欲網舉而紀從莫若法古置一相而考慎其人而
置左右丞或參知政務各二人分轄六曹守成法督
稽滯察姦欺決訟牒有疑事應更革則以告於宰相
而宰相者不得親細故署文案專與人主講道勸義
廣求賢材列於庶職下酌民言旁通幽隱如此則上
下詳畧之任各得**集覽**考慎其人詩桑柔篇考慎其
其宜而治道成矣相箋云慎誠也考誠其輔相
之行然後用之**質實**軍旅注見梁武帝中
言擇賢之審

大通二年一旅之衆

以李自良為河東節度使

自良從馬燧入朝上欲使鎮太原自良固辭曰臣事燧久不欲代之上曰卿於馬燧存軍中事分誠為得體然北門之任非卿不可卒以授之

集覽 存軍中事分扶問反謂李自良不肯忘事馬燧之勢分北門之任謂河東為國家之北門

質實 李自良宛州泗水人河東節度注見周報王十二年蒲叛太原府名注見齊明帝建武三年并州

復所省州縣官

泌請復所減州縣官上曰置吏以為人也今戶口減於承平之時而吏員更增可乎對曰今戶口雖減而事多於承平且十倍故吏不得不增且所減皆有職事而冗官不減此所以為未當也至德以來置額外官敵正官三分之一若聽使計日得資然後停加兩選授同類正員官如此則不惟不怨兼使之喜矣又

請諸王未出閤者不
除府官上皆從之

秋七月以李昇為詹事

初張延賞與李叔明有隙上入駱谷衛士多亡叔明
之子昇及郭曙令孤建等恐有姦人危乘與相與齧
臂為盟更鞚上馬以至梁州及還長安上皆以為禁
衛將軍寵遇甚厚延賞知昇私出入部國大長公主
第密以白上上使李泌察之泌曰此必有欲動搖東
宮者其延賞乎上曰何以知之泌具為上言二人之
隙且言昇承恩顧延賞無以中傷而部主乃太子妃
之母也故欲以此陷之耳上笑曰是也泌因請罷昇
宿衛以遠嫌從之

集覽詹事東宮官之尊者位在長秋之上
掌統三寺十率府之政部國本周文

王子所封國今單州城武縣東南部

質實駱谷注見
城是也中傷陰中害之也中竹仲反

漢後主延

熙七年乘輿注見漢安帝延光四年部國城名按一
統志有二俱在兗州府城武縣東南北部即周文王
庶子所封春秋時所謂取部大鼎於宋是也南部即
春秋時宋邑漢置南部縣今省之大長公主肅宗之
女蕭升之妻也東宮注見
宋文帝元嘉二十七年

以韓潭為夏綏銀節度使

吐蕃之戍鹽夏者饋運不繼人多病疫思歸尚結贊
遣三千騎逆之悉焚其廬舍毀其城驅其民而去於
是割振武之綏銀二州以潭為節度使帥神
策之士五千朔方河東之士三千鎮夏州
軍名注見憲宗元和七年綏銀二州綏注見周顯王
三十五年雕陰銀注見代宗大曆十三年神策軍名
注見建中四年朔方郡名
注見漢武帝元朔元年

以元友直為諸道句勘兩稅錢帛使

時防秋兵大集國用不充李泌奏自變兩稅法以來
藩鎮州縣聚斂權率以為軍資自懼違法匿不敢言
請赦其罪但令革正自非於法應留使留州之外悉
諭京師其官與逋負可徵者徵之難徵者釋之敢有
淪沒者罪之上喜曰卿策甚長然立法太寬恐所得
無幾對曰寬則人喜於免罪而樂輸所得必多而速
急則競為蔽匿非推鞠不能得其實財不足以濟今
日之急而皆入於姦吏所得必少而遲矣上曰善乃
以友直集覽句勘句稽也勘檢校也注見建中元年
充使句檢權率率徵斂也權注見漢武帝天
漢三年權酒酤於法應留使留州應平聲當也留使
留州此唐舊法當然也注見憲宗元和三年分上供
送使留質實藩鎮注見肅
州三品宗上元二年

停西域使者廩給分隸神策軍

初河隴既沒於吐蕃安西北庭及西域使人在長安者歸路阻絕皆仰給於度支李泌知胡客皆有妻子買田宅安居不欲歸命停其給凡四千人皆詣政府訴之泌曰此皆從來宰相之過豈有外國使者留京師數十年不聽歸乎今當假道回紇各遣歸國不願者當於鴻臚自陳授以職位給俸祿人生當乘時展用豈可終身客死乎於是胡客無一人願歸者集覽泌皆分隸神策兩軍禁旅益壯歲省五十萬緡鴻臚注見漢武質實河隴二州名注見漢靈帝中平帝太初元年二年西域國名注見漢哀帝元壽二年回紇西羌種名注見太宗貞觀元年

募戍卒屯田京西

上復問泌以復府兵之策對曰今歲卒戍京西者十七萬人計歲食粟二百四萬斛今粟斗直錢百五十為錢三百六萬緡國家比遭饑亂經費不充就使有錢亦無粟可糴未暇議復府兵也上曰然則亟減戍卒歸之如何對曰陛下誠用臣言可不減戍卒不擾百姓糧食皆足府兵亦成上曰果能如是為何為不用對曰此須急為之過旬日則不及矣上問其計泌曰吐蕃久居原蘭之間以牛運糧糧盡牛無所用請發左藏惡繒染為綠纈因党項以市之計十八萬匹可致六萬餘頭命諸冶鑄農器糴麥種分賜緣邊軍鎮募戍卒耕荒田而種之約麥熟倍償其種其餘據時價五分增一官為糴之來春種禾亦如之沃土久荒所收必厚戍卒獲利耕者浸多糴價必賤名為增之而實比今歲所減多矣且邊地官多闕請募人入粟以補之可足今歲之糧上皆從之因問曰卿言府兵亦集如何對曰舊制戍卒五年而代今既因田致富

必不思歸及其將滿下令有願留者即以所開田為
永業家人願來者本貫續食遣之不過數畝則戍卒
皆土著乃悉以府兵之法理之是變關中之疲弊為
富強也上喜曰如此天下無復事矣泌曰未也臣能
不用中國之兵使吐蕃自困上曰計將安出對曰臣
未敢言之俟麥禾有收然後可議也泌意欲結回紇
大食雲南與共圖吐蕃知上素恨回紇恐聞之不悅
并屯田之議不行故不肯言既而戍卒應募願耕屯
田者什五六

集覽

原蘭二州名
皆河湟地

質實

原蘭二州名原注見
漢光武建武六年高

平蘭注見太宗貞觀十八年左藏庫名注見代宗大
曆十四年党項西羌別種注見陳後主至德四年

張延賞卒

發明

德宗宰相書卒者僅四人崔祐甫李泌書爵
延賞趙憬不書爵憬不足道也若延賞者亦

有說乎夫宰相代天理物當以平心處之故伊尹謂之阿衡而周官冢宰職均四海皆公平無私之意今延賞私憾李晟乃結盟吐蕃以傾之誤國於民君臣俱辱德宗苟能案罪行辟則延賞豈容但已況其相業無聞如惡柳渾言事及譖李昇幾至動搖東宮之類此皆小人所為故綱目於其卒也則削去官以示貶耳若生而幸免死又無譏則何以為筆削之權衡哉

○八月朔日食質實

日食注見新莽天鳳元年

○柳渾罷為左散騎

常侍

初渾與張延賞議事數異同延賞使人謂曰相公節言則重位可久矣渾曰為吾謝張公柳渾頭可斷舌不可禁由是交惡上好文雅縉藉而渾集覽縉藉積質直無威儀時發俚言上不悅罷之

也蘇鶚演義曰經籍者有雅量之稱蓄積美積之謂
經與醞蘊通漢書薛廣德溫雅有經籍注風采溫粹
如醞釀有薦藉也又第五倫少
蘊藉注蘊藉猶言度量寬博也

幽部國大長公主流李昇於嶺南

公主肅宗女也適蕭升女為太子妃恩禮甚厚宗戚
皆疾之主素不謹李昇等數人出入其第或告主淫
亂且為厭禱上大怒幽之禁中流昇等嶺表切責太
子太子懼請與妃離昏上召李泌告之且曰舒王近
已長立孝友溫仁泌曰陛下惟有一子奈何欲廢之
而立姪且陛下所生之子猶疑之何有於姪舒王雖
孝自今陛下宜努力勿復望其孝矣上曰卿不愛家
族乎對曰臣惟愛家族故不敢不盡言若畏陛下盛
怒而為曲從陛下明日悔之必尤臣云吾獨任汝為
相不力諫使至此必復殺而子臣老矣餘年不足惜

若寬殺臣子使臣以姪為嗣臣未知得歆其祀乎固
嗚咽流涕上亦泣曰事已如此奈何對曰此大事願
陛下審圖之自古父子相疑未有不亡國者且陛下
不記建寧之事乎上曰建寧叔竇寬肅宗性急故耳
泌曰臣昔為此故辭歸誓不近天子左右不幸今日
復為陛下相又覩茲事且其時先帝常懷危懼臣臨
辭日因誦黃臺瓜辭肅宗乃悔而泣上意稍解乃曰
貞觀開元皆易太子何故不亡對曰承乾謀反事覺
太宗使其舅與朝臣數十人鞠之事狀顯白然當時
言者猶云願陛下不失為慈父使太子得終天年太
宗從之并廢魏王泰且陛下既知肅宗急而建寧寬
則願陛下深戒其失從容三日究其端緒必釋然知
太子之無他矣若果有其迹願陛下如貞觀之法并
廢舒王而立皇孫則百代之後有天下者猶陛下子
孫也至於武惠妃譖太子瑛兄弟殺之海內寬憤乃
百代所當戒此又可法乎且太子居少陽院未嘗接

外人預外事安得有異謀彼諸人者巧詐百端雖有手書如晉愍懷衷甲如太子瑛猶未可信況但以妻母為累乎幸賴陛下語臣臣敢以家族係太子歸使楊素許敬宗李林甫之徒承此旨已就舒王圖定策之功矣上曰此朕家事何預於卿而力爭如此對曰天子以四海為家臣今獨任宰相之重四海之內一物失所責歸於臣況坐視太子冤橫而不言臣罪大矣上曰為卿遷延至明日思之泌抽笏叩頭而泣曰如此臣知陛下父子慈孝如初矣然陛下還宮當自審思勿露此意於左右露之則彼皆欲樹功於舒王太子危矣上曰具曉卿意泌歸語子弟曰累汝曹矣太子遣人謝泌曰若必不可救欲先自仰藥如何泌曰必無此慮願太子起敬起孝苟泌身不存則事不可知耳間一日上開延英殿獨召泌流涕曰非卿切言朕今日悔無及矣太子仁孝實無他也自今軍國及朕家事皆當謀於卿矣泌拜賀因曰臣報國畢矣

驚悸亡魂不可復用願乞骸骨上慰喻不許范氏曰
李泌善處父子兄弟之間故能以其直誠正言感悟
人主卒使父子如初可謂忠矣泌以為天子以四海
為家則莫非家事以君之子為己任其知相之職業

哉
集覽

厭禱厭蓋涉反禳禍曰厭求福曰禱建寧之
事建寧王肅宗子名俟李輔國譖之賜死黃

臺瓜辭注見肅宗至德二載承乾太宗太子之名後
廢為庶人手書如晉愍懷晉惠帝太子名遹賈后謀
欲廢之賜酒逼飲醉迷以紙筆使書不執之辭后以
語帝免為庶人後追謚愍懷哀甲如太子瑛哀甲貫
甲於衣之內也玄宗之太子名瑛妻母
為累妻母部國大長公主也累玷辱也
正誤哀甲如
今按唐玄宗時駙馬都尉楊洄構太子瑛鄂王瑤光
王琚與妃兄薛鏞有異謀武惠妃使人詭召太子二
王曰宮中有賊請戒以兵人太子從之妃白帝曰太
子二王謀反甲而來帝使中人視之如言遽召宰相

李林甫議答曰陛下家事非臣所宜預帝質實嶺南道名

意決乃召廢為庶人尋遇害天下冤之注見秦始皇三十三年南海舒王舒州名注見梁簡文帝大寶元年王名誼德宗之姪從容注見秦二世三年延英殿一統志云在西安府治東北五里唐東內宣政殿次東乃宰相啟事之所相對有思政殿憲宗朝李絳盛夏對延英殿汗浹衣絳欲趨出帝曰欲與卿譏天下事方甚樂也奈何欲去即此楊素隋文帝時謀廢太子廣許敬宗高宗時謀廢太子忠李林甫玄宗時謀廢太子瑛

九月吐蕃寇隴州

吐蕃帥羌渾之衆寇隴州連營數十里京城震恐虜大掠驅丁壯萬餘口而去未幾復至隴州州兵擊却之質實吐蕃西羌屬名注見太宗貞觀八年羌渾西羌種名注見代宗大曆九年隴州注見漢光

六年汧

回紇求和親許之

回紇合骨咄祿可汗屢求和親上未之許會邊將告
之馬李泌言於上曰臣有愚策可使馬賤十倍上問
之對曰願陛下推至公之心屈已徇人為社稷計臣
乃敢言上曰何故泌曰臣願陛下北和回紇南通雲
南西結大食天竺如此則吐蕃自困馬亦易致矣上
曰三國當如卿言至於回紇則不可泌曰臣固知陛
下如此所以不敢早言然今日之計回紇為先三國
差緩且陛下所以不敢早言豈非以陝州之恥邪上曰然
韋少華等以朕之故受辱而死朕豈能忘之泌曰害
少華者乃牟羽可汗後復入寇為今可汗所殺然則
今可汗乃有功於陛下又何怨邪是後凡十五對反
復論之上終不許泌乃乞骸骨上曰朕不憚屈已但

不能負少華輩耳泌曰以臣觀之少華輩負陛下非
陛下負之也上曰何故對曰昔葉護將兵助國肅宗
止令臣宴勞之亦不許至其營及大軍將發先帝始
與相見蓋我狄豺狼不得不過為之防耳陛下在陝
富於春秋少華輩不能深慮以萬乘元子徑造其營
又不先與之議相見之儀使彼得肆其桀驁豈非少
華輩負陛下邪且香積之捷葉護欲掠長安先帝親
拜於馬前以止之當時觀者十萬餘人皆歎息曰廣
平王真華夷主也然則先帝所屈者少所伸者多矣
況牟羽身為可汗舉國赴難當是之時臣不敢言其
他若留陛下於營中歡飲十日天下豈得不寒心哉
以此二事觀之則屈已為是乎不屈已為是乎上謂
李晟馬燧曰朕素怨回紇今聞泌言自覺少理卿以
為如何皆對曰誠如泌言泌曰臣以為回紇不足怨
向來宰相乃可怨耳回紇再復京城今可汗又殺牟
羽復有何罪吐蕃幸國之災陷河隴數千里之地又

入京城使先帝蒙塵於陝此乃百代必報之讐為可
怒耳上曰朕與之為怨已久今往與之和得無復拒
我為夷狄之笑乎對曰臣請以書與之約為臣子每
來不過二百人印馬不過千匹無得攜中國人乃商
胡出塞五者皆能如約則主上必許和親如此威加
北荒旁讐吐蕃足以快陛下平昔之心矣上從之既
而回紇可汗遣使上表聽命上大喜謂泌曰回紇何
畏服卿如此對曰此乃陛下威靈臣何力焉上因問
招雲南大食天竺之計對曰回紇和則吐蕃已不敢
輕犯塞矣雲南苦吐蕃賦役未嘗一日不思復為唐
臣也大食在西域為最強與天竺皆慕中國代與吐
蕃為仇臣故知其可招也遂遣其使者歸許以公主
妻之

集覽 葉護將兵助國葉失涉反葉護懷仁可汗之
子牟羽可汗之兄肅宗時助討安慶緒元子
長子也香積之捷肅宗至德二載收復西京廣平王
與葉護約為兄弟至長安城西陳於香積寺北澧水

之東廣平王名儼即代宗印馬杜甫瘦馬行細看六
印帶官字注王洙曰唐今諸掌牧馬以小官字印印
右勝以年辰印印右髀以監名依左右廂印印尾側
至二歲起脊量強弱漸以飛字印印左廂髀勝細馬
俱以龍形印印項左官馬賜人者以賜字印
配諸軍及充傳遞驛者以出字印並印右頰
正誤印
今按唐書本作市馬謂和市之馬也胡三省注亦誤
作印馬曰統有功於唐自乾元以來歲以馬來求和
市每馬易四十緡動至數萬匹董晉使回統回統言
唐約我為市馬既入而歸我賄不足晉曰吾非無馬
而與爾為市為爾賜不質實
既多乎此所謂市馬也
天竺西域國名注見漢
武帝元狩元年身毒陝
州注見周顯
王四十五年

發明

吐蕃求和則不書者惡中國納侮而諱之也
回紇求和則書之者幸夷狄服從而喜之也

德宗惡回紇而不許其和親賴李泌委曲調護卒
成和戎之利故綱目亦喜而予之此固書法之意
也

吐蕃陷連雲堡

涇西特連雲為斥堠連雲既陷西門不集覽斥堠注
開門外皆為虜境樵采路絕常苦乏食見漢武

帝元封
元年

冬十月吐蕃城故原州而屯之

書法

蠻夷之役不書吐蕃城耳何以書惜之也曷
為惜之城原州元載計也楊炎繼行反以胎

朱泚之禍則災之急也卒使吐蕃城而屯之於是
載之計未可厚非矣綱目一書再書所以深致惜

之意也是故吐蕃城故原州書是年吐蕃作
烏蘭橋書憲宗元和八年答中國之失計也

○李軟奴等作亂伏誅

故僧李軟奴結殿前射生將韓欽緒等謀作亂其黨
告之上命捕送內侍省推之李晟聞之驚仆曰晟族
滅矣李泌問其故晟曰晟新罹謗毀中外有家人干
餘若有一人在其黨中則兄亦不能救矣泌乃密奏
大獄一起所引必多聞人情恟懼請出付臺推上從
之欽緒遊瓌之子也亡抵邠州械送京師與軟奴等
皆腰斬而朝質實韓欽緒
臣無連及者靈武人

十二月韓遊瓌入朝

遊瓌以欽緒誅委軍入謝上遣使止之至是入朝軍
中以為必不返餞送甚薄遊瓌見上感陳築豐義城

可以制吐蕃上悅遣選鎮軍中憂懼者衆遊環忌都
虞候范希朝得衆心將殺之希朝奔鳳翔上召真神
策軍遊環帥衆築實實豐義城按一統志本漢之彭
豐義城二版而潰實實陽縣地屬安定郡晉因之後
魏屬原州元廢置雲州隋廢唐復改置豐義縣宋改
曰彭陽後廢之故城在平涼府鎮原縣東北八十二
里范希朝虞鄉人鳳翔府
名注見周顯王八年岐

大稔詔和糴粟麥

上畋於新店人民趙光奇家問百姓樂乎對曰不樂
上曰今歲頗稔何為不樂對曰詔令不信前云兩稅
之外悉無他徭今非稅而誅求者殆過於稅又云和
糴而實強取之曾不識一錢始云所糴粟麥納於道
次今則遣致京西行營動數百里車推牛蹕破產不
能支愁苦如此何樂之有上命復其家司馬公曰甚

矣德宗之難寤也既聞光奇之言則當按有司之廢格詔書殘民增賦盜匿公財及左右詒諛日稱民間豐樂者而誅之然後洗心易慮一新其政屏浮飾敦誠信辯忠邪恤困滯則太平之業可致矣釋此不為乃復光奇之家夫以四海之廣兆民之衆安集覽復得人人自言於天子而戶戶復其徭賦乎
集覽復其
家復方目反除也除免光奇家徭賦廢格詔書史記淮南王安傳廢格明詔按如淳注梁孝王傳云廢止也格歧閣不得下
也蘇林曰格音閣

書法

自開元二十五年始書和羅至是和羅之害滋甚上書大稔下書和羅非志喜之辭矣

春麥稔而什一之稅行冬大稔而和羅之令下民亦何樂於歲豐哉書傷之也綱目書大稔四稔辛

酉年唐高宗永徽五年是年
憲宗元和六年惟此非喜書

發明

前年書大旱今年書大稔則見其荒歉之餘

幸得一稔也方書大稔即書和糴則見素乏

儲蓄取具臨時也夫國無三年之蓄曰急無一年

之蓄曰國非其國德宗好聚斂貨財而國無儲蓄

方幸一稔遽已和糴故綱目書

而譏之亦以為有國者之戒也

御批資治通鑑綱目卷四十七上